

中國方志叢書·第三號

據

清·劉桂年修鄧綸斌等纂
光緒七年刊本

影印

廣東省

惠州府志

(全)



成文出版社印行

5k72/07



129
1-1819
33

序

惠州府志前朝屢經纂輯

國朝康熙丁卯太守呂公應奎復修之百餘年來治革變更不知凡幾今不纂錄後將無傳道光同治年間太守楊公希銓梅公啟照均捐

惠州府志

序

廉倡修弗果同治庚午劉樹君太守蒞年始集紳士鄧君掄斌廖君廷翰鄒君漸鴻陳君青槐鄧君掄芳陳君新銓分任編纂事未竟旋調任去銓錫之坤彭南屏翰孫兩太守繼之余光緒丁丑秋來守是

邦下車之始考風問俗聞志告成

心竊喜語不云乎不習爲吏視已

成事舊志殘缺不足遵倣得都人

士條上隱顯不遺纖悉諸君子以

耆儒碩學各出機杼補其罅漏訂

其譌謬輯爲新書舉凡禮樂刑政

惠州府志

序

二

之鉅細兵農財賦之損益民風厚薄之所趨土物燥濕之所宜莫不開卷了然炳若星列至若表揚大節發潛德之幽光博採藝林廣一方之文獻凡舊志所缺畧者至是而燦然大備焉守土者誠得前人

程法而秉式之政之福者弗使窒
於行俗之媿者弗使狃於習將見
澆風盡革上理可臻治教所關良
非淺鮮此百餘年來之太守所欲
爲而不果爲者余甫至而觀其成
何若斯之幸也稿經樹君太守閱
序
三
定郵寄於余間有亥豕畧爲釐正
受事甫半載旋奉調篆高涼簡書
敦迫復歸其橐於南屏太守俾覆
勘授梓自愧樸拙少文又值移官
匆遽未及與諸君子詳加商榷少
有匡助倚裝書此志幸亦志愧耳

皆

光緒四年歲次戊寅孟春月

賜進士出身翰林院編修京畿道監
察御史惠州府知府仁和樓震撰

惠州府志

序

四

新脩惠州府志序

余幼讀蘇文忠公書每景仰其為人故凡曾游歷之地與曾晉接之人輒心焉慕之低徊不能去同治九年秋奉命守惠州人咸以嶺海艱阻者

惠州府志

序

一

余慮余獨欣之然喜之蓋以惠為文公舊游兒公集中有西羅浮白水江郊豐湖疎勝如翟秀才鄧道士諸賢皆以訪其遺蹟溯其餘風真有清洲桃李之氣之留于數百年後

惠州府志

序

二

者豈非余生之厚幸也耶顧或老曰惠之俗刁且悍且窮治最難將曰坐堂皇排解聽斷之弗暇奚暇為友古人親凡睦事乎余聞之悚然而思下車後知或言不課則思有以治之

通作勸民詩十章俾傳誦示與吏如數月後窮則猶是也而刁且悍者漸戢矣余乃竊然喜之乃清洲桃李之氣果有留於數百年之後也特惠化導無由耳爰徵志而讀之

則自康熙二十六年重修後迄
於今無嗣起者夫前哲之典型
後人所觀感也其間節祖父
章且為吾民之則故老克聽其
日就湮沒焉其咎安在迺集
考人士設局而亟其事草創

惠州府志

序

三

未就余適移潮州此心耿耿不
忘也幸後余老承余志越二年
書成考人士家而諸序於余
余樂觀厥成望此清泚彬雅
之氣云願望之慰俾世之景
仰于文忠公者知前賢所游歷

之地其派風遠澤之孔長也是
則余欣然喜世在是已時
光緒五年歲在己卯秋七月布
政使銜候補知惠州府事廣東候
補道大城劉洪年序并書

惠州府志

序

四

重脩惠州府志序

惠州古未有志之自前明天順辛始迨嘉靖中三改編集而猶未能完善識者嘆之我

朝康熙二十六年續加修輯至今二百年來無有能踵其事者前守楊公現翁梅公小巖均議備而未果因治庚午大城別公樹石以講學求守是邦毅拙引為己任

惠州府志序

甫開局以量勅游郡古副彭公南屏樓公次園繼之凡閱八年而告成時余適由高州調攝茲士取新志再讀之其中紀載之詳筆墨之謹嚴新志視舊志加參詢可謂毫髮無遺憾矣抑余竊有說焉惠當粵東之衝應志稱昔人謂為漢之名郡越之沃野余獨以為不然惠向統轄十二屬雍正九年增置陸豐十

一年時潮之程鄉為嘉應州割興甯長樂

縣焉自是惠心轄十屬計其疆域衡六百九十三里縱六百七十里與國之廣甲於通省帶山襟海形勢雄壯雖為名郡似非無說顧綜核財賦歲入不滿十萬心慨之訪之眾論僉稱歸善博羅土地平廣沿江一帶尚屬膏腴海豐陸豐瀕海猶有魚鹽之利此外龍川河源永安長甯連平

惠州府志序

和平十屬羣山環峙層巒疊嶂突兀嶄巖居民固山為田硯瘠特甚而且沙深水冷不宜禾稻苦旱苦潦十年不得一金稔為人稱為沃野果何所見而云然哉宜乎漢唐以來視為邊徼荒遠獲戾遷謫之民之收服猶且聽之誰復問乎後者為之謀生聚而計焉金乎洪惟我

國家定鼎以來聲教所訖無遠弗屆惠郡

聖德沐涵濡風會蒸

聖德

於姚美鄒魯
矣顧自粵道倡亂意之土匪如磨以始參乘
機揭竿而起鵠張鷹聚蹂躪殆遍雖旋
就撲滅而搜捕遺孽數年始能肅清余
統十餘稔山岳數澤伏莽潛消已屬蠢動
之患

大吏不以余為不肖擬調粵此典 軍門

三

方公照軒合力勦捕天狼義不主素來不
生今日之舉誠為萬不得已之君哀而余
之惻焉恐無以善其後者志不在職除
之不能盡事在不能使之不更生也
且夫古今來之言吏治者大明不外養與教
而已不能養之又烏從而教之然後時與東
傳之具或因而腹劑之可乎昔管子有言
曰倉廩實而知禮節衣食足而知榮辱

斯民之願產賦而畏犯法者以有身家之

患也也今舉必千百游手無務困窮

失業之人執而誘之曰尔為善尔毋為

惡是猶驅之北轍而留于南轅也安可

得哉余不敢德薄能淺自願無所長

余因志局諸君子之謬為紀于原為并

以已見論列而序之惟其後之官於土者

披覽是編得以曉然於山川地利之險

四

夷風俗人心之利病善為籌謀慈懷

集俾樂生惡死之民咸有去逆效順之

志庶使

聖天

子慈惠元之至意用能流播於無窮

也豈不懿歟至於是書纂輯刪訂之

業男前應任太守與志局諸紳之力為

多余幸會適其適事親願成而已爰
不揣謏陋而為之序

光緒五年歲次己卯夏四月

誥授中議大夫銜鹽運使銜調署廣東惠州府事高州府知府江都張聯桂撰並書



惠州府志

序

五

惠州府志目錄

卷之首

序文 舊序

卷一

輿地 分野 沿革 疆域 輿圖

卷二

輿地 形勝 關隘 海防

卷三

輿地 山川

卷四

輿地 山川

惠州府志 卷之首 目錄

卷五

輿地 津梁

卷六

建置 城池

卷七

建置 縣署

卷八

建置 驛遞

卷九

經政 學校

卷十

經政 書院

卷十一

經政 祀典

卷十二

經政 壇廟

卷十三

經政 兵制

卷十四

經政 賦役上

卷十五

經政 賦役下

惠州府志 卷之首 目錄

卷十六

經政 度支

卷十七

郡事上

卷十八

郡事下

卷十九

職官表上

卷二十

職官表下 附武職官表

卷二十一

選舉表上	卷二十二	選舉表下	卷二十三	藝文 記	卷二十四	藝文 記	卷二十五	藝文 詩	卷二十六	藝文 詩	惠州府志 卷之首 目錄	卷二十七	藝文 撰述	卷二十八	古蹟 城址 署宅 塚臺 寺觀	卷二十九	人物 名宦上	卷三十	人物 名宦下	卷三十一	人物 流寓	卷三十二
											三											

人物 政蹟	卷三十三	人物 政蹟	卷三十四	人物 儒林	卷三十五	人物 文苑	卷三十六	人物 忠義	卷三十七	人物 孝悌	惠州府志 卷之首 目錄	卷三十八	人物 善行	卷三十九	人物 隱逸附方技	卷四十	人物 耆壽表	卷四十一	人物 列女上	卷四十二	人物 列女中	卷四十三
											四											

人物 列女下

卷四十四

人物 仙釋

卷四十五

雜志 氣候 風俗 軼事 物產

修纂職名

總裁

布政使銜廣東補用道前惠州府知府劉湛年

監修

惠州府知府周毓桂

惠州府知府崇齡

惠州府知府彭翰孫

惠州府知府樓震

惠州府知府張聯桂

分纂

惠州府志卷之首

內閣中書舉人鄧掄斌歸善

內閣中書舉人廖廷翰歸善

內閣中書舉人鄒漸鴻博羅

江西南候補同知附貢鄧掄芳歸善

光祿寺署正銜增生陳青槐歸善

恩貢生陳新銓歸善

校對

管理支錄

恩貢生殷光昌博羅

惠州府志卷之首

天順元年舊序

同知蘇潤八桂

古者郡邑皆有志所以紀一郡一邑之事也惠陽志宋末兵燹不存寥寥數十年元大德間同知姜文龍始援拾而續成之失於疎畧况其時惠之所屬歸善博羅河源海豐四邑而已龍川長樂興甯尙屬循州焉皇明混一有二帝三王所無之天下有二帝三王所無之人民衣冠文物卓冠前古洪武戊申州陞爲府所隸七邑地大人稠歷代沿革山川貢賦人才風俗在所考驗志其可忽耶永樂間命廷臣督修天下郡志教授古龔寶質取宋元諸作以補之始有條理可觀景泰紀元之六年朝廷慮有遺漏命官重修之教授零陵鄧璉旁搜博訪事有根據而文采爛然矣書成上之天府而人罕得遍觀嗚呼文獻無徵聖人所歎况圖志政事之先務爲政者可不加之意歟暇日復與郡公及二三文學講求考訂刪繁去複補缺存正類聚成編復得大參吳公所著惠陽雜詠并附焉至異端虛誕無關名教者皆畧而不錄所以從簡約示久遠遂各捐俸募工繕梓以傳庶幾成一郡之美事於以見列聖相承重熙累洽化成俗美比隆唐虞三代之盛豈後世所能及哉雖然

惠州府志卷之首

是編之作校諸舊志亦云備矣其間事物無窮見聞有限以今視昔固有殘缺磨滅之弊後之視今甯無滄海遺珠之歎乎同志君子倘能讐而校之時而修之俾勿壞非獨

爲是編之辛實斯文之幸惠人之大幸也因書以告來者

嘉靖戊子序

鄭維新歸善

惠大記何記惠之大也夫惠封壤數百里自有宇宙之山川自入職方之郡邑洎凡因事而建爲民而置或析或併或易或仍或陲或徙或陵或堙雖時異代殊而畫堊紀域崇德遂生繫焉繫皆弗可莫之稽也清淑攸鍾篤生賢俊表民用世蓋有其人與夫守牧之遺愛將佐之死事其良藝可以師後政其峻節可以鎮澆風又若藝圃詞林閎言麗藻敷敷道義被飾方輿舊簡之載記未泯逸者之傳誦足徵懋矣盛矣弗獲而詳述也宋其著者以爲法焉可也故記之類凡四曰迹曰獻曰治曰責而其體有二曰攷曰

惠州府志卷之首

二

畧熱性關幽刊繁擗實惠之大者於斯乎存彰往詔來殆庶幾哉戶口賦役弗錄何也郡乘之籍備也今之獻之治可錄者多矣而未之及何也歟也夫是非久而後定言行沒而可稱是故存者疎焉禮也

又

廣東右汪思新安參議汪

惠大記六卷首述考二次獻畧一治畧一貢畧二豐湖鄭敬甫之所編也夫惠之山羅浮爲大水海爲大官室以公署爲大祠廟以先聖爲大是所謂迹也獻之大稱宋羅學士近亦有何孝子張戶書其寓公有二蘇有留忠宣治之大趙陀以龍川令起爲王三世貢云者文其陋也則莫若蘇長公矣鄭子記惠之大而不能盡棄其餘蓋亦有不可

者特曰大記云耳是故記述考而方輿備矣記獻畧而士習勤矣記治畧而官箴嚴矣記貢畧而典則具矣方輿備而帝德廣矣士習勤而風俗移矣官箴嚴而暴汚飭矣典則具而觀示懿矣然以予觀惠人不能皆民也猶鍾涓焉民不能皆農也姦究興焉其猶荒畧乎曰非也今之治亦既詳矣夫山海之利博矣民以是利生亦以是利踣爰煮爰鑄載息載貢不亦生乎征利負固以劫以通不亦踣乎如其踣訟而敗不悔情耕而蕩不悟又未可數也是故病其畧也增吏治羅武衛不得其道乃顧多事是故復病其詳也嗟夫其下之罪歟其上之罪歟鄭子邦人也風俗戶口田賦削不記頗於述考微言之如有諱焉其志而晦然

惠州府志卷之首

治嗚呼惠其幾責也已

嘉靖戊戌序

國子監黃佐香山

此雁峯史侯暨厥屬文學所纂惠志也若昔康太史德涵氏志武功得載筆體乃崔司成子鍾氏志彰德一遵焉二氏蓋英關洛才均班馬而取善崇讓若此是故地理以稽實建置以明制田賦以恤隱祠祀以正典官師均列而信教人物選舉上行而下秩雜志類物輔化崇正義而黜異端損浮冗而要簡確自時厥後臨江諸郡乘咸宗焉是編義例宛然二氏故轍爰邇天順吳大參志高所修惠志曠歷年所間雖祝君允明志與甯陳君用貞志長樂有行於

時而博羅海豐龍川則未有成編矧和平新建固有登載乃今克會成書俾足徵焉豈非典哉嗟夫扶輿之氣其鍾範乎汪洋閭廓典屈告浩而不可窮者水也其象則智介特岌業堅礎磊砢而不可易者山也其象則仁水居之民非弗仁也然而仁弗勝智辯若泉流文若風渙而其失也詐山居之民非弗智也然而智弗勝仁卓然壁立孑然株守而其失也固以是占俗觀人天下莫有遁情矣惠居五嶺東南羅浮甲於天下重溟環之其民鍾氣於山大都樸野惻惻故許訟岸獄鮮而椎魯頑昧或不免焉歲部使者至莫不喜其淳而加簡恤吾廣都會雖曉嶠荒遐然清淑之氣是之自出較其形勝雖海岱亦奚異乎在宋時則有

惠州府志卷之首

四

若張宋卿氏以文章掄魁南省若足以華國矣而厥施未究豈蓄極而發猶有待於今乎因其俗之近仁而道之風俗同而賢才出矣庸詎知不終齊魯乎是猶金之在鎔亦鑄者之爲焉耳程伯子曰治天下以正風俗得賢才爲本愚則曰雖一邑亦有然者矣庸書以告吏茲土者

嘉靖壬寅序

知府李玘南豐

夫郡志非古也史官亡而後志作是古之遺史也惠故交廣之墟今並爲嶺東連潮分廣接韶與虔東北則重山削成西南則環以神海是爲形勝炎區莫先焉者其陰陽剛柔異宜文質異尚儒吏耕治異業物穆彊曠異齊古今異情治忽異道故言治者恒體之君子居是邦也謹歲候授

惠州府志

卷之首

五

人時禱祥可占矣辟地而正壤奄有九連荒大望扼平碣之海道封畧可正矣建庵作牧自吾得宗也數人焉若李文公若陳堯佐教修政立則風晞龔魯矣舍經味道自吾得師也數人焉若濂溪若豫章延平北面關里道非委地矣赴節効忠折而弗撓若文山以下諸賢若節婦姚氏賴氏罔瑜合幸生焉斯節義冠冕矣德音風軌蔚為時棟若東坡若成之煥之抑亦人文山斗矣居處宴息必有宮室臺榭重改作養財力斯芋矣盛德豐功必百世祀尊聖賢舉壇廟是為不貳信巫而好鬼斯詔矣學校賢士所關先德而後藝賤勇力而黜異端張羅之迹疊矣表俗移風必有其本平好惡防淫靡去賭博息罷訟將以善人心而反

惠州府志

卷之首

六

授陳子文獻教諭易子貞元申校讐之命而與朝夕罔道諛罔毀疵非非而是疑疑而信信百年曠典修焉大成祀敬命工梓之用章鑑戒云爾後之賢者覽焉修焉厥史於是乎在

嘉靖丙辰序

推官楊載鳴泰和

載鳴既呈謹稍遷為惠推官周覽山川爰考圖記得故志讀之紀述繁猥散亂失次適歎曰夫志大矣徵文獻審議俗詒來禩之典法稽前政之失得咸於是乎在今靡所刊定後將何觀焉於是縉紳大夫文學諸生之徒彌彌言議輯事矣余不能謝迺本載記質觀閱芟蕪補闕蒐隱訂謬成惠州志為紀一曰郡事天人乏際古今之變鑒戒昭矣故首之為表三曰沿革曰秩官曰選舉表郡之大者也為志六曰地理曰建置曰賦役曰學校曰祀典曰兵防政教備矣事增文肆則兵賦蓋深致意焉為傳四曰名宦曰流寓曰人物曰列女述往勸來余不敢私也存故備言以觀會通為外志雜志詞翰志終焉總之十有七篇適若因事綴文扶俗翼教道敘次之指發明已志忘其淺陋僭為撰序具在諸篇中矣茲不著

又

知府姚良弼幾塘

余嘉靖甲寅冬來守惠陽覽山川之勝審風俗之宜咨詢民瘼究圖治理作而歎曰惠州古稱嶺東名郡也顧今若此哉暇復搜厥郡志見其始於天順丁丑一修於嘉靖戊

子一修於壬寅自壬寅抵今尙多殘缺又歎曰郡志一郡之史也殘缺自茲後將奚述哉余意欲撫舊志而續編之以備一方文獻適見於郡內流移之未復也里甲之未均也徭役之未清也倉弊之未除也民兵之未練也驛傳之未輪也民風吏治姦狡滋甚此郡事之大者須先釐正而後志可舉也於是蚤夜孜孜務爲經畫爲之撫逋民寬征稅以復其流移爲之準丁糧列班次以均其里甲懲徭役故習之濫也爲之節費慮倉糧召商之弊也爲之給銀民兵積弱時較閱以稽之驛傳虛耗嚴徵辦以補之至若崇師儒端士習撫民馭吏秉公飭法惴惴然惟過舉是懼雖未能必其政平澤溥然於職所當爲者知自盡焉已越期

惠州府志

卷之首

七

年思竟前志而以觀行弗果乙卯冬泰和武東楊君以銓部郎移佐郡憲通判吳君語以予意而決成之遂將修志請於當道報曰可楊君適覽衆說蒐遺事刪繁取要類族辨分其爲卷凡十有六是故輿圖列而形勝具矣郡事紀而世變昭矣沿革表而規制備矣秩官表而庶職該矣選舉表而人文著矣志地理而方位可辨也志建置而表儀可樹也志賦役而民故可察也志學校而士習可勸也志祀典而禮度日嚴也志兵防而武備以修也著循良之績故名宦有傳重賢哲之萃故流寓有傳鄉賢足範於後人於是傳人物焉女德有裨於風教於是傳列女焉又爲外志以大一統雜志以資識問而詞翰則古今述作凡涉惠

者悉檢錄之總題之曰惠州府新志由是千里之內上下數千載之間其事可按志而得矣雖然所貴乎志者豈徒飾文詞炫觀美已哉記言載事顯微闡幽綜古今以垂後憲耳予觀楊君所志其詞文其事詳而搜採幽微纖悉畢具迺若隨事論斷激切時弊其示訓深遠庶幾一方之史文獻攸賴者也君素宏才博學明習吏事昔佐潮郡憲於郡事蓋躬歷而熟慮之矣惠潮連壤志惠所以志潮也豈惟潮哉記事貴實不貴文制治在上不在下稽志政之得失而轉移化導誠今日長民者之急也君之言曰誠能強察廉約之吏就故法而酌核之民將自安又曰無貨議無紕政而後可以責民之無良斯言也止爲志郡言哉雖達

惠州府志

卷之首

八

之天下可也志成將梓以傳予謹掇君之志序諸首簡用紀歲月因以詔後云爾

萬曆乙未序

侍郎楊起元 歸善

先太史公與修郡丙辰志蓋歎曰天之道四時行地之道百物生人之道樂樂而利利是是而非非王道無所不統時有升降道有污隆前事之不忘後事之師也則史其大矣志者郡邑之史也道無不備然唐虞之道寡怨於民舉臯陶而不仁者遠晉有乘楚有檣机魯有春秋春秋筆削嚴孔子不得已之書也史家祖之夫志有善書無惡載子於志也蓋穆然有唐虞之思焉治世修身之術其取諸志而可以寡怨矣乎太史公屢舉不遂有長子曰起元十歲

讀古文尙書一十而冠舉於鄉二十而讀中秘書充史職
先太史諱之曰小子宜達不失其生幸甚夫與讓之文九
官四岳十一牧並職厥美而無貶詞周家之士皆文王之
時念舊且髦焉可不知其故哉吾無位不足以知國史吾
鄉之賢人君子所辰而下吾欲論著之而志缺有間後復
郡公大夫舉而修之汝必任事無忘吾志矣起元頓首曰
謹受教萬惡壬辰先太史公卒起元萬里從銑介而歸耕
拉發絕辰幾常立三年郡守林公國相以志請起元謝荒
迷未能也再請出請然後強起以應公乃禮延文學弟子
陳生呂言徐生實子鍾生鳴韶曾生惠宗梁生在中林生
應補分局治事未幾公以觀行武郡邱公一鵬羅文禮延

惠州府誌

卷之九

會生三省盧生珣共事焉圖一曰輿圖紀二曰郡事曰山
川表三曰沿革四曰秩官曰選舉志八曰建置曰經政曰都
里曰學校曰祀典曰賦役曰兵防曰皇言傳五曰名宦曰
高賢曰人物曰列女曰仙釋而以雜詞輪二志終焉合二
十一卷起元曰郡事備升降應時序可以觀天道矣輿圖
山川相爲表裏自祖自孫或源或委纖悉著明可以觀地
道矣都里以聚之學校以教之賦役以均之兵防以衛之
祀典以禩之則樂樂利利取焉名宦奇其思賢賢傳其儀
人物不之師列女備其偶仙釋解其惑則是是非非存焉
可以觀人道矣治之以秩官興之以選舉理之以建置綜
之以經政董之以皇言上道其有成乎孫子此者之謂謀

詞輪乎此者之謂詞輪是以兼收之是書也善書而不惡
惡或爲尊者諱或爲賢者諱則先太史志也予小子何敢
忘焉先太史平生得人一言之益一行之善必以詔起元
起元兒時侍先太史討論前哲談說時事每至夜分不遑
寐也時從先太史出入閭閻見吾鄉人物殷富輟擊肩摩
於道所在彈琴瑟吹笙竿烟火千里雖大相聞高原之上
錫罕及之草木茂密十五之後邑里蕭條烟火往往斷絕
至今生齒未復益耗於盜賊兵戈而生聚無術良足哀矣
夫以所聞既如彼以所見又如此予小子不敢遺忘亦不
敢隱避然必費之舉彥每有一事進彥彥而問之彥彥曰
以予輩所聞亦若吾子之聞也以予輩所見亦若吾子之

惠州府誌

卷之十

見也則讀書之其或不然則闕之益不敢自是也起元初
諸郡公之請謂可六旬而訖以告母太孺人母太孺人曰
孺子談何容易而父嘗與斯役矣共事者葉官保劉州守
也辰人西出益一歲所而後竣事孺子談何容易也果以
乙未九月然後脫稿中多蕪蔓尚未修飾會命下起爲國
子祭酒起元以養母乞身不允遂輟功而治行時官保葉
公還里請正數事林公先權都運不還郡程公有守至命
侍史亟爲副本還正本途次使補缺然竟以幅應無暇刻
至陽陽道中僅有半日之暇遂序之其有疎畧則俟君子
又

知府程有守新